

DE INEFFABILI
TRINITATIS
MYSTERIO
ORATIO

Habita in Sacello Pontificio

AD SANCTISSIMUM D. N.

BENEDICTUM XIV.
PONT. MAX.




A

D. HIERONYMO MONCADA COMITE

SANCTI PETRI, EX PRINCIPIBUS MONFORT

Collegii Clementini Convictore.



ROMÆ, MDCCLI. TYPIS CHRACAS IN VIA CURSUS.

SUPERIORUM PERMISSU.

THE
OFFICE OF THE
SHERIFF
OF THE COUNTY OF
SANTA FE

AND
THE
SHERIFF'S OFFICE

RECEIVED
JAN 10 1900

THE
SHERIFF'S OFFICE
OF THE COUNTY OF
SANTA FE

RECEIVED
JAN 10 1900

THE
SHERIFF'S OFFICE
OF THE COUNTY OF
SANTA FE

(III)

Sanctissimo Domino Nostro

BENEDICTO XIV.
PONTIFICI MAXIMO

HIERONYMUS MONCADA

FELICITATEM.



*UM valetudinis tuæ ra-
tio BEATISSIME PA-
TER, in qua totius Christiani Orbis
salus magnopere posita est, postulave-
rit,*

A 2


rit , ut gravissimis , continuisque curis distentum animum si non omnino solveres , id enim vigilans tua in servandis Christi ovibus sollicitudo sinere nullo modo potest , aliquanto saltem recreares , factum est , ut , dum Orationem hanc meam haberem eo in loco , quo frequens divinis rebus adesse consuevisti , Te præsentem venerari , sacrosque pedes deosculari non licuerit . Quæ quidem absentia , licet pro salutis Tuæ communi desiderio cuique bono jucunda esse debeat , dolebam tamen tacitus sortem meam , quæ me ad ea tempora reservasset , quibus aspectus tui luce carere necesse esset . Quid enim optabilius , quid dignius , quid honorificentius , quam eum Pontificem Maximum præsentem intueri , in quo humanitas , & benignitas summa pari

cum

cum auctoritate, & sapientia sunt conjunctæ. Neque verò hoc loco commemorabo ea, quæ crebris jam sunt usurpata omnium hominum libris, atque sermonibus, doctrinam tuam illam admirandam cum incredibili eruditione, atque perspicuitate conjunctam, quam diuturnis elucubrationibus tantam adeptus es, ut jam non parta, sed nata Tecum videatur; non egregia illius monumenta, Legesque sanctissimas, quas in commune Ecclesiæ beneficium edidisti, atque contulisti: illud unum dicam duntaxat, quo omnia me dicere arbitrabor, virtutem tuam non magis debere Dignitati, in qua splendidius locata est, quam Dignitas virtuti. Quare, quam honorem dicenti mihi ratio temporis abstulit, supplici impertiatur Clementia Tua, ut postquam ea, qua

(VI)

*femper soles facilitate, hanc, quam Ti-
bi devovere haud reformido Oratiuncu-
lam, exceperis, pedes tuos me deoscu-
lantem Benedictione tua compleas.*



ORA-



O R A T I O .



UM ex vetere instituto, BEATISSIME PATER in hoc loco Pontificis Summi consuetudine sanctis-

simio, præsentiæque vestra honorificentissimo, aliquid mihi sit hodie de Sanctissimo TRINITATIS Mystério dicendum, de quo pluries hoc ipso in loco est disputatum; nulla mihi aptior restare visa est Oratio, quam si commemorarem, quantum præclara, gloriosaque nobis sit tanti Sacramenti cre-

Deut: 4.

ti credita revelatio. Quæ enim unquam extitit Natio tam grandis, aut futura est, quæ Deos habeat per agnitionem ita appropinquantes sibi, sicut Deus noster adest nobis per eam, quæ de TRINITATE est, fidem, qua Duce e tenebris, & umbra mortis evocati ad Lumen illud inaccessible, in quo Deus inhabitat, quantum homini licet, cognoscendum, intue- dumque singulari illius Charitate Populos inter omnes electi, atque eve- cti sumus? Plurimi eo lumine, quod ex natura est Deum Unum, inani illa, prodigiosaque rejecta Gentium mul- titudine, existere oportere intelle- xerunt, multi de Illius proprietatibus, perfectionibusque graviter, acuteque disputarunt, nonnulli etiam plura ex ijs, qua de Deo etiam per Fidei nos credimus videntur ita attigisse, ut nobiscum ferme consenserint; de TRINITATE vero aut nemo, aut certe le- vissime suspicatus est. Quare ex ea, quæ inde proficiscitur gloria, nullam na- turæ

turæ lumen, nullam intellectus sagacitas, nullam humanæ sapientiæ prudentia partem sibi vindicat; sed tota eâ, quantacumque est, quæ certe maxima est, tota, inquam, Sapientiæ illi tribuenda est, quam prædestinavit Deus ante sæcula in gloriam nostram; & quæ vere, singulariterque sapientia nostra est, & intellectus noster coram populis; ut audientes universa præcepta hæc dicant: en populus sapiens, & intelligens magna. Sed quid cum hac sapientia nostra inanem gentium scientiam confero, quæ ambulantes in vanitate sensus sui tenebris obscuratum habebant intellectum propter ignorantiam, quæ erat in illis propter cœcitatē cordis ipsorum? Ille ipse Populus, quem Deus funiculum hæreditatis suæ Nationes inter omnes esse voluerat in tantæ gloriæ societatem se non offert, nobis cedit, nostram esse totam, & propriam fatetur; quin etiam maximi illi Synagogæ Patres, Vatesque

*Cor: 2.**Deut: 4.**Ephes:*

San-

Col: 2.

Sanctissimi nobis in hac laude concedunt. Ea enim, quæ ad ipsos tanti Mysterij facta est revelatio, in speculo veluti, atque in ænigmate facta est, non eo in lumine, atque claritate, qua apud nos, constituta. Quod si gloriosum illis fuit TRINITATIS Mysterium per species duntaxat, imaginesque intueri, quanta ea laus nostra, quanta dignitas, illud ipsum, ambage omni remota Symbolorum, palam, aperteque Fidei nostræ esse concreditum, quodque absconditum fuit a sæculis, nunc manifestatum esse nobis a Deo, ut consoletur corda nostra instructa in charitate, & in omnes divitias plenitudinis intellectus, & in agnitionem Dei Patris, & Christi Jesu? Sacramentorum enim Dei revelatio eo semper loco habita est, ut eo dignior, Deoque acceptior quisque crederetur, quo penitus in altitudinem mysteriorum sapientiæ, & scientiæ Dei, perque incomprehensibilia judicia ejus, viasque investigabiles

biles Deo ipso ducente penetrasset .
 Hinc cæteros omnes facile Moyſes
 hoc genere gloriæ ſuperasse ab uni-
 verſa Hæbreorum gente judicatus
 eſt, quod ad illam flammam acceſſe-
 rit propius, in qua Deus loquebatur,
 quod illius vocem audierit, quod le-
 gem acceperit, quod coeremonias ri-
 tusque ſacros ab ipſo Deo didicerit.
 Quod ſi miniſtratio mortis fuit illi in
 gloriam; quomodo non magis erit
 nobis in gloria Spiritus miniſtratio,
 Spiritus inquam Domini qui myſte-
 ria loquitur, qui majeſtatem, natu-
 ramque ſummæ illius eſſentiæ ea ra-
 tione per fidem manifeſtavit; ut re-
 velata propemodum facie gloriam
 Domini ſpeculantes in eandem ima-
 ginem tranſformaremur a Claritate in
 Claritatem? Quare hæc die TRINITA-
 ris Auguſtiſſimæ celebritati confecra-
 ta non illius magis Feſtum, quam
 Fidei, gloriæque noſtræ triumphum
 agere videmur, atque hoc loco potif-
 ſimum explicare, quo imaginem
 quan-

Cor: 2. 3.

quandam, speciemque perfectionum, quæ Personarum TRINITATI tribuuntur, summis in Pontificibus solemus intueri, quorum ea est potestatis amplitudo, ut super Gentes, & super Regna ad plantandum, evellendumve, ædificandum, aut dissipandum potentia divina plenitudine sint constituti; ea sapientia, ut fallendi sint, ubi ex cathedra definierint, nescij, ea auctoritas, ut ligandi, solvendique peccata arbitri sint designati; triplexque Diadema illud thiara una suffultum simulacrum veluti triplicis indivina essentia Regni preferre videatur. Illud jam restat, ut, cum in cognitione TRINITATIS tanta nostra sit laus, cogitemus; quanta demum in comprehensione futura sit gloria, cum non per fidem, sed facie ad faciem, & sicuti est, eam cognoscemus.



F I N I S.